

“

“Dove vado ad aggiornarmi?”

DA “I QUIZ UNIVERSALI”

La ratio degli “incontri” della “scuola beneventana”

Vulenn' fa' 'nu poco 'e aggiornamento,
chist' anno, ...amm' fatto già 'a pensata,
jamm' a senti' gli "Incontri" a Benevento
addòce scappa pure 'na risata.

A nuje ce piace chell' atmosfera,
addò prevalè sempe 'a colleganza
e puo' discutere,.... pure fino a sera,
senza tene' nisciuna sudditanza.

'Sta qualità sicuro tu l'appiezzi,
ma là se 'mpara n' ata cosa bona
che 'o Malato nun se cura a piezzi,
pechè intera è nata 'sta persona, (1)

che tutta quanta add' esse' rispettata,
che ce vò sempe 'o senso d' a misura,
e l'equilibrio add' esse' conservato (2)
tra tutte 'e forze ch' esistono in natura;

ch' 'o Miedeco se stesse sempe accorto,
che 'a Professione oggiè in salita,
ma, certamente, nun ce scappa 'o muorto,
si Isso resta'nu “studente a vita”. (3)

Te 'mpare, là, che i libri nun so' tutto,
chello che conta è pure l'esperienza,
e...., quann' cride ch' hai capito tutto,
nun basta mai, si nun ce sta 'a coscienza; (4)

si nun ce sta 'a fiducia int' 'o rapporto,
'a Medicina nun funziona mai,
'sta varca nun arriva mai in porto
e 'o Malato annaspà 'nmiezo 'e guai.

Bibliografia:

- (1) A. Murri, C. Frugoni, M. Coltorti,
A. Miracco, M. Torquati, S. Vulterini,
S. Mansueto
(2) C. Bernard
(3) C. Frugoni, V. Cagli

E quanto vale chella simpatia,
quann' 'o Malato te sente comm' amico,
ce serve, sì, 'a tecnologia
ma, spisso, è meglio... 'o Duttore antico.

Nun bastano 'e carezze, ce vò 'a Scienza,
pe' fa' sana',si 'a malatia è vera,
ma quanta ce ne vò, pure 'e pacienza,
pe' cura' l'anima, ...che, ...spisso, se dispera.

'O corpo umano nun è 'nu robot,
nun basta l'uoglio dint' agli ingranaggi,
è 'n' illusione,che vò 'e moda mò,
addò se campa c' analisi e cu 'e raggi.

Agli “Incontri” ce sta 'n' ata teoria,
se sforzano 'e cerca d' 'a divulga',
mettenece 'nu poco 'e fantasia
comme se fadint' 'a pubblicità:

ce serve 'a Tac e pure 'a Risonanza,
ce vo' 'na prova che dà l'evidenza,
ma sempe....parlanno cu creanza
ce serve....'nu Miedecoche pensa;(5)

che mette insieme ogni informazione,
che nun trascura manco 'nu sospetto
e nun se scorda mai... d' 'a lezione
che 'a diagnosi se fa ...affianco 'o letto. (6)

Cecco Gambizzato

(4) G. Moscati, R. Pampuri

(5) S. Vulterini

(6) A. Murri, C. Frugoni, M. Coltorti,
A. Miracco, M. Torquati, S. Vulterini,
S. Mansueto, A. Borghetti, G.G. Neri Seneri,
I. Portioli

”